



**Affordable
healthcare
on the cards
for SA**

Page 6



SOUTH AFRICA

**SA ready
for local
government
elections**

Page 9

**JOBS
INSIDE**

More funding support for students

Albert Pule and More Matshediso

Government has set aside an additional R6.912 billion to support university education.

Announcing the additional funding, Higher Education and Training Minister Blade Nzimande said this was a strong indication that government had listened to the concerns raised by university students last year during their march against university fee increases.

"As an immediate measure, we have resolved the zero percent fee increment for 2016 with universities, which amounted to R2.33 billion... University students who meet the National Student Financial Aid Scheme (NSFAS) means test will not be required to pay upfront payments when registering this year," said the Minister.

The R6.912 billion additional funding includes the R2.33 billion for resolving the zero percent fee increment; R2.543 billion is for NSFAS to provide loans to assist 71 753 identified students, who were either partially funded or not funded at all in the past three academic years.

Minister Nzimande said students who have performed well and come from disadvantaged families will receive financial help from government.

The NSFAS has been allocated over R700 million for full bursaries for scarce and critical skills for the current year from the National Skills Fund (NSF).

"This funding is made available through the financial aid offices at universities, and students wishing to make use of these bursaries are advised to enroll for critical skills study programmes, which include science, commerce, health sciences, engineering and many others," said Minister



Higher Education Minister Blade Nzimande announced additional funding to help deserving students to complete their studies.

Nzimande.

The Minister said NSFAS has also earmarked R72.9 million in the 2016 academic year to provide financial aid to disabled students in universities.

"The department is committed to expanding access and success in our institutions for students who have special needs," said the Minister.

At technical and vocational education and training (TVET) colleges, government pays 80 per cent of the programme cost of the student's choice, with an additional allocation being made dependent on the type and severity of the disability.

"Government will assist students who display academic ability but come from poor and disadvantaged families through

NSFAS at all 26 public universities and 50 public TVET colleges throughout the country.

"NSFAS will be funding 205 000 first-time entering and continuing eligible students at universities and 200 000 students at TVET colleges in 2016 by providing student loans and bursaries totaling R10 million," said Minister Nzimande.



STATE OF THE NATION ADDRESS

by President Jacob Zuma

Thursday, 11 February 2016, from 19:00

Catch it live on television, radio and social media

Follow us on  #SONA and participate in discussions on  @GovernmentZA

Together we move South Africa forward



REPUBLIC OF SOUTH AFRICA

TEKUPHEPHA NETEKUVIKELEKA

Khokhela sondlo nakungenjalo ligama lakho litawufakwa encwadzini yalabangetsembeki

Noluthando Mkhize

Batali labangakhokhi sondlo se-bantfwana, seyiphelile indzawo yabo yekubhaca. Mengameli Jacob Zuma usandza kusayina Umtsetfo Wekuchibela Sondlo (Umtsetfo 9 wanga-2015) kutsi ube ngumtsetfo lotawucinisekisa kutsi labo labehluleka kukhokha sondlo emagama abo atawufakwa encwadzini yebantfu labangakhoni kukhokhela tikweleti. Lisekela Lendvuna Yetebulungiswa Neku-tfutfukiswa Kwemtsetfosisekelo John Jeffery utsite loMtsetfo uvumela kubikwa kwemuntfu lowehluleka kukhokha sondlo kubhizinisi leniketana sikweleti noma lehlola kukhona kwemuntfu kukhokhela tikweleti takhe kanye nekutsi kubanjwe imali emholweni noma kutinzuzo takhe letivela kumcashi.

Lokuchitjelwa kweMtsetfo Wesondlo, wanga-1998, bekuloku kuyintfo lebekwa embili yalelitiko kanye netinhloso tekuchube-ka kwentiwe kancono inchubo yekondla.

"Litiko Letebulungiswa Neku-tfutfukiswa Kwemtsetfosisekelo kuleminyakalishumi lembili belitinikele ekucinisekiseni kuvikeleka kwebantfwana emmangweni wetfu.

"Yinye yetindzawo letinelifutse lelikhulu etimphilweni tebantfwana ngulena yeko-ndliwa," kwasho Lisekela Lendvuna Jeffery.

Wengete ngelekutsi Umtsetfo Wekuchi-bela Sondlo uchibela Umtsetfo Wesondlo kute kwentiwe inchubo yekondla ibe ncono, nasekuphetfwe lubuyeketo lweMtsetfo lom-khulu yiKhomishini Yekulungisa Umtsetfo yaseNingizimu Afrika.

Utsite loMtsetfo awukafaneli kutsi ubuyeketwe utihambela wodvwana, ngoba uyincenye yetinyatselo letinyenti letibanti, letetfulwe litiko, kute kube netingucuko ekwetfulweni kwetinsita kubazuzi besondlo.

"Letinyatselo tihlelelwe ngco kucinise-kisa kutsi bomake ngempela banekufinyelela lokuncono kubulungiswa nekufinyelela tinkantolo."

INCHUBO YEKWENDLULISA IMALI NGEKWE-ELEKTHRONIKI (I-EFT)

Lisekela Lendvuna Jeffery litsite inchubo ye-EFT seyenta kancono kukhokhwa kwesondlo.

Lenchubo yenta bahlukunyetwa bakwati kutfola timali tabo ngemuva kwemalanga lamane litiko lititfolile.

"Ngekusebentisa i-EFT, manje lelitiko selendlulisa timali tiye ngco kuma-akhawunti asebhange ebazuzi."

"Loku kongela bazuzi sikhatsi nemali yekuhamba baye etinkantolo balandze timali tabo. Kubuye futsi kube ngu-lokuphephile. Kwamanje, ema-98 wema-phesenti walabazuzi bakunchubo ye-EFT."

Utsite labo labangekho kulenchubo ye-EFT kwamanje ngulabo labangesibo bale-live noma bantfu labete bomatishi (ema-ID) lafunwa libhange kute uvule i-akhawunti yasebhange.

Lelitiko liyachubeka likhulumisana neLi-tiko Letasekhaya kanye nemabhange kutsi asite labantfu.

"Ngekusebentisa lenchubo yekukhokhela ngco imiyalelo yasenkantolo, ngemuva kwekuvuma kwemzuzi, umbekwacala kutsi kufakwe timali tesondlo ngco ku-akhawunti yasebhange yemzuzi."

INCHUBO LEHLANGANISIWE YEKULAWULWA KWELICALA LESONDLO

Lisekela Lendvuna Jeffery litsite litiko layo seletfule Inchubo Lehlanganisiwe Yekulawulwa Kwelicala Lesondlo le-landzelela lamacala kusukela kubhaliswa sicelo sekukhokhelwa sondlo kute kube ngulapho kukhishwa khona umyalelo wekondla.

"Loku kuholela ekwetfulweni ngekushe-sha kwetinsita tesondlo ngoba linyenti lemaphepha labekentiwa ngesandla make asentiwa ngekre-elekthroniki.

"Njalo ngemnyaka wetimali ngamunye lelitiko likhetsa ngalokuchubekela embili tisebenti letibukana netondlo kanye nala-baphenya ngetondlo kutsi bente kancono kwetfulwa kwetinsita."

Ngekuya kweNdvuna, kuleminyaka lemine leyendlulile, lelitiko selikhulise linani letisebenti letibukene nekwetfulwa kwetinsita tesondlo ngekucasha bantfu labange-247.

Nga-2015/2016, kutawucashwa tisebenti letengetiwe letibukene neludzaba lwe-

CHILD MAINTENANCE CHECK LIST

(1) WHAT THE APPLICANT NEEDS TO BRING TO THE MAINTENANCE OFFICE AT THE MAGISTRATES' COURT WHEN MAKING AN APPLICATION FOR CHILD MAINTENANCE:

(2) NOTE: BRING THE FOLLOWING DOCUMENTATION TO THE MAINTENANCE OFFICE TO MAKE COPIES AND IF THESE ARE NOT AVAILABLE ON THE DATE OF APPLICATION PLEASE BRING THE DOCUMENTS ON THE NEXT DAY/AND/OR ON THE HEARING DATE.

(3) UNAVAILABILITY OF THE DOCUMENTS ON THE DATE OF APPLICATION FOR MAINTENANCE SHOULD NOT STOP THE APPLICANT FROM COMPLETING THE J101 APPLICATION (FORM A TO THE MAINTENANCE REGULATION), WHICH IS ATTACHED TO THIS CHECK LIST AS ANNEXTURE "B1".

DOCUMENTS REQUIRED FOR MAINTENANCE ENQUIRY/MEDIATION	Please tick off
1. An identity book (green book with your photo) or passport or drivers licence and or immigration permit	
2. Certified copies of the child/children's birth certificates	
3. Three months bank statement (LATEST)	
4. Three months proof of income(payslip) or the signed letter from the employer confirming your income.	
5. Physical/work address of the person responsible for paying the maintenance money.	
6. List of your income and expenditure e.g. water and lights bill, till slips for groceries, school expenses; medical and travel receipts, clothing accounts, etc.,	
7. Full name of parent/person responsible for paying the maintenance money.	
8. Copy of Decree of Divorce (in the case of divorce)	

AFTER THE TICK OFF ON THE CHECKLIST THEN MAINTENANCE SUPERVISOR SHOULD ADD HIS/HER SIGNATURE AND DATE, TO ENSURE ALL NECESSARY DOCUMENTS WILL BE AVAILABLE

MAINTENANCE SUPERVISOR

Signature:


Date:

WHAT THE RESPONDENT NEEDS TO BRING TO COURT WHEN APPEARING BEFORE THE MAINTENANCE OFFICER FOR ENQUIRY/MEDIATION

The respondent is require to bring all the required documents on the date of enquiry:

DOCUMENTS REQUIRED FOR MAINTENANCE ENQUIRY/MEDIATION	Please tick off
1. An identity book (green book with your photo) or passport or drivers licence and or immigration permit	
2. Three months bank statement (Latest)	
3. Three months proof of income(payslip) or the signed letter from the employer confirming your income	
4. Proof of physical work and residential address	
5. List of your expenditure e.g. water and lights bill, till slips for groceries, school expenses; medical and travel receipts, clothing accounts, etc.,	
6. Provide the copy of the maintenance court order if there is a maintenance court order against you in another court	
7. Birth certificates of all your other biological children other than children in question	

NB: THE MATTER WILL NOT BE POSTPONED BECAUSE OF LACK OF THE ABOVE- MENTIONED DOCUMENTS, SO IT IS COMPULSORY THAT THE MAINTENANCE OFFICER /CLERK EXPLAIN THAT THE PARTIES SHOULD COMPLY WITH THE REQUIREMENTS ON THE RETURN DATE.



the doj & cd

Department:
Justice and Constitutional Development
REPUBLIC OF SOUTH AFRICA

sondlo kanye nebaseshi.

Kuhloswe kutsi kutsi kube khona bantfu labanele kuto tonkhe tikhungo tetinsita kute kutsi kwentiwe kancono lenchubo yekukhokhwa kwesondlo kulo lonkhe lelive.

Kute utfole lwatiso lolubanti mayelana neludzaba lwesondlo tsintsa Advocate Mulalo Netshisaulu

ku: 012 315 1512 noma ku: MNetshisaulu@justice.gov.za.

Konkhe lodzinga kukwati mayelana nencwadzi yekwaba lifa

Noluthando Mkhize

Iindlela yekwenta siciniseko sekutsi umndeni wakho uyanakekeleka nasewushonile kutsi kwentiwe incwadzi yekwaba lifa.

Incwadzi yekwaba lifa yidokhumenti lapho khona umuntfu abhala kutsi ufuna kwenteke ini efeni lakhe angashona.

Umuntfu angakhetsa umuntfu noma bantfu, labatiwa ngelekutsi baphatsimafa noma balawulimafa, labatawulawula lifa labo nase-bashonile.

"Incwadzi yekwaba lifa ingabitwa ngelekutsi luhlu lwetifiso temuntfu nakashona."

"Incwadzi yekwaba lifa ichaza kutsi bafuna kutsi lifa labo labiwe kanjani. Kube unemphahla ngubani lofuna kutsi azuze kulemphahla?" Kwasho Cecilia Mphela, Lisekela Lemphatsi Kulihhovisi Lemphatsi Wenkantolo Lephakeme yaseNingizimu Afrika Kuphiko lwaseGauteng loluyincenye yeLitiko Letebulungiswa Neku-tfutfukiswa Kwemtsetfosisekelo.

TIDZINGO TENCWADZI YEKWABA LIFA LENGUYONAYONA

Ngekuya kweLitiko Letebulingiswa Neku-tfutfukiswa Kwemtsetfosisekelo kusukela mhla lu-1 Bhimbidvwane 1954 tonkhe tincwadzi tekwaba lifa tifanele kutsi tibhalwe phasi. Tingabhalwa ngesandla, tibhalwe ngengcondvomshini, noma tiphrintwe.

Umenti wencwadzi yekwaba lifa ufanele kutsi ayisayine ekugcineni lencwadzi yekwaba lifa.

Umenti wencwadzi yekwaba lifa ufanele kutsi asayine lencwadzi embi kwabofakazi labafanele lababili.

Nangabe lencwadzi yekwaba lifa inemakhasi langetulu kwalinye, likhasi ngalinye ngaphandle kwelikhasi lekugcina afanele kutsi asayinwe ngulowenta incwadzi yekwaba lifa noma ngumuntfu lonjalo nanoma ngukuphi ekhasini.

Nanoma nje lowenta incwadzi yekwaba lifa ufanele kutsi asayine onkhe emakhasi encwadzi yekwaba lifa ngulelikhatsi lekugcina lencwadzi yekwaba lifa, lelifanele kutsi lisayinwe ekugcineni kwencwadzi yekwaba lifa.

Umfungisi ufanele kutsi acinisekise kutsi bayenetiseka ngekutatisa kwalowenta incwadzi yekwaba lifa kanye nekutsi incwadzi yekwaba lifa lesayiniwe ingiyo incwadzi yekwaba lifa yaloyo lowenta incwadzi yekwaba lifa.

Nemfungisi naye ufanele kutsi asayine ekhasini ngalinye lalencwadzi yekwaba lifa, nanoma ngukuphi emakhasini.

KUKHETSA UMLAWULI WELIFA

Mphela utsite nawubhala incwadzi yekwaba lifa kuvela sidzingo sekutsi ukhetse lotawulawula lifa.

"Lona ngumuntfu lotawulawula abuye futsi abele bazuzi imphahla."

Imphahla yemuntfu ifaka ekhatsi yonkhe imphahla lanayo, takhiwo kanye netikweleti labebanato nabashona.

Kulawula imphahla kusho kugcogca noma kulawula yonkhe imphahla yemufi, ku-

khokhela tonkhe tikweleti umufi bekanato nakashona, bese sekukhokelwa tindlalifa imali lesele yemufi njengekubeka kwencwadzi yekwaba lifa.

Mphela utsi kute kutsi umuntfu ente incwadzi yekwaba lifa ufanele kutsi abe neminyaka le-16 noma ngetulu ngebudzala, futsi abe nengcondvo lephilako abuye futsi abe nabofakazi lababili labaneminyaka le-14 noma ngetulu ngebudzala labangakwati kwe-tfula bufakazi enkantolo yemtsetfo.

"Labofakazi abafanele kutsi bayifundze lencwadzi yekwaba lifa yakho. Ungatibhalela noma lomunye umuntfu angakubhalela."

Wengete ngelekutsi labelulekana ngetimali, bameli, kanye nemabhange bangakweluleka mayelana nekubhala incwadzi yekwaba lifa.

Mphela utsite bantfu labanengi banconota libhange kutsi libasite ekubhaleni incwadzi yekwaba lifa, lokwenta libhange kutsi libe ngumlawuli wetincwadzi tekwaba lifa, labatibhalile.

"Emabhange ngiwo latsintsa bazuzi mayelana nencwadzi yekwaba lifa. Kubalulekile kutsi bantfu batise bazuzi kutsi kunencwadzi yekwaba lifa."

Mayelana nemibuto/kunakekelwa kwelikhasimende: chiefmaster@justice.gov.za

Lucingo: 012 406 4805

Ifeksi: 086 5444 893

TEKUPHEPHA NETEKUVIKELEKA

Caphela bugebengu lobentiwa ku-inthanethi



Lt Col Erica Holtzhausen

Njengalamanye emave lamanyenti emhlabeni iNingizimu Afrika isengotini yekuhlangabetana nebugebengu lobentiwa nge-inthanethi. Ngekuya kweLuphiko Lombutfo Wemaphoyisa ase-Ningizimu Afrika (i-SAPS), iNingizimu Afrika yalahlekelwa ngu-R5.8 wetigidzigidzi kubugebengu lobentiwa ku-inthanethi nga-2014. Bantfu baseNingizimu Afrika labanengi labangemaphesenti lange-47 labasebentisa bomakhalekhikhini besimanje babebahlukunyetwa bebugebengu lobentiwa ku-inthanethi. Kubhanga ngekusebentisa i-inthanethi kuyintfo lehamba embili lecondvwe tigebengu letisebentisa i-inthanethi eNingizimu Afrika. Bugebengu lobentiwa nge-inthanethi yimisebenti yebugebengu leyentiwa ngabongcondvomshini noma nge-inthanethi. Emahlelokusebenta langafanele,

bugebengu lobentiwa ku-inthanethi, buculi netincwadzigezi tekutfolwa lwatiso lwemuntfu lolubalulekile naloluyimfihlo tindlela letivame kakhulu letisetjentiswa tigebengu kutfolwa lwatiso lwemuntfu loludzingekako kute kutsi kwentiwe lobugebengu. Emkhatsini waBhimbidwane 2011 neNgci 2012 kwaba nemacala lange-90 000 labikwako ebantfu lababe bahlukunyetwa betincwadzigezi tekutfolwa lwatiso lwemuntfu loluyimfihlo, bese kutsi-R94 wetigidzi lelahleke emakhikhini ebantfu. Tincwadzigezi tekutfolwa lwatiso lwemuntfu loluyimfihlo ticondzisa umsebentisi kuwebhusayithi lapho khona bachelwa kutsi bente imininingwane yabo ibe sesikhatsini samanje, njenge-password, i-credit card, tinombolo tamatisi noma te-akhawunti yekubhanga. Luphiko Lwetebugebengu Be-elektroniki Lwe-SAPS (i-ECU) lwasungulwa nga- 2011 kute kutsi lubukane nebugebengu lobentiwa ku-inthanethi kanye nebugebengu lobentiwa

nge-elektroniki. Brigadier Piet Pieterse, lophetse i-ECU, utsite umsebenti weluphiko kucedza bugebengu betekuhweba, lobufaka ekhatsi bugebengu lobentiwa ngemacambu etaphulamtsetfo kanye nebugebengu bekukhwabanisa. “Bunyenti bufakazi be-elektronikhi

- Indlela longativikela ngayo:**
- Ungavuli tincwadzi letitfunyelwe kuncwadzigezi noma emawebhusayithi lasolisako. Kungaholela ekutsini kumpuntjuke lwatiso futsi koniwe, kugwegwiswe lwatiso lolubalulekile.
 - Hlola kuvikeleka kwetinhlelo te-Facebook yakho futsi ukhetse kwatiswa nge-SMS noma ngencwadzigezi nangabe ukhona ongamati lowetama kuvula likhasi lakho le-Facebook ngengcondvomshini nome umakhalekhikhini longatiwa.
 - Caphela tikhangisombumbulu temisebenti lapho khona kudzingeka imininingwane kanye nesitfombe sakho.
 - Tihlangano tifanele ticaphele njalo labo basebentisa mawebhusayithi ato.
 - Faka i-password kumakhalekhikhini wakho kute lusite kuvikela imininingwane yakho.
 - Vula luhlelokwenta langcondvomshini lutfolwa kwiwebhusayithi letsembekile kuphela.
 - Sebentisa tindlela tekukhokhela letivikelekile nawutsenga ngamakhalekhikhini wakho.

lobuyincenye lenkhulu yeluphenyo lwe-maphoyisa futsi bungaba ngulobubalulekile ekwesekeleni kushushiswa kwemacala

- Bantfu baseNingizimu Afrika bangabika bugebengu lobentiwa nge-inthanethi ngekungatidzaluli ngekutsi bashaye lucingo bashayele Sikhungo Sekuvimba Bugebengu ku: 08600 10111.
- Sikhungo Sekuvimba Bugebengu sikhungo savelonkhe lesinebaseshi labababambi betingcocoluhlo labaceceshwe kahle kakhulu, lokungenani bonkhe banelucecesho lolusisekelo lwebuseshi.

lehlukene ebugebengu,” kwasho Brigadier Pieterse. Ngekuya kwe-SAPS bugebengu lobentiwa nge-inthanethi abusasimayelana nalabo labafuna kufinyelela tinchubo tangcondvomshini kute batijabulise noma kukhombisa kutsi kungentiwa. Letigebengu letenta lamacala tinge-malunga emacambu etaphulamtsetfo futsi tihlakaniphela labo labasebentisa tinsita te-inthanethi. Noma loku kungentelwa kuzuza imali noma kwesabisa bantfwana, imiphume-la yebugebengu lobentiwa nge-inthanethi bungakwephula umoya kakhulu kantsi futsi bungaba nemphumela lomubi kutemnotfo.

*Lt Col Erica Holtzhausen lilunga le-SAPS.

Tinsita tekwesekela bahlukunyetwa bemacala etemacansi

Sinenhlanhla Mkhwanazi

Manje bahlukunyetwa bemacala etemacansi batawufinyelela tinsita letiphatsa kahle bahlukunyetwa, letisebenta ngempumelelo naletivelelako ngekusebentisa ngeTinkantolo Temacala Etemacansi letetfulwa Litiko Letebulungiswa Nekutfutfukiswa Kwemtsetfosisekelo. Lelitiko lisandza kwetfula Tinkantolo Temacala Etemacansi eDurban (KwaZulu-Natal) nase-Atlantis (eNshonalanga Kapa). " Incikitsi lebalulekile, leyesekele umsebenti lomnengi walelitiko, kucinisekisa kutsi bonkhe bantfu baseNingizimu Afrika baphephile futsi bativa baphephile," kwasho Indvuna Yetebulungiswa Nekucondziswa Kwetimilo Michael Masutha ngesikhatsi kwetfulwa Inkantolo Yemacala Etemacansi yase-Atlantis. Lokwetfulwa kwaletinkantolo akwenti nje kuphela incenye yekutinikela kwalelitiko kutsi bahlukunyetwa bebugebengu betemacansi bafinyelele tinsita tebulungiswa, kepha kubuye kugunyate Umtsetfo Wekuchibela Umtsetfo Wetebugebengu (Emacala Etemacansi Netindzaba Letiphatselene Nawo) 32 wanga-2007. NgeNhlabha 2012 Litsimba Lekusebenta Leleluleka Indvuna kute libukane neKuncunywa Kwetindzaba Temacala Etemacansi (i-MATTSO) lasungulwa kutsi liphenye ngekuphindze kubuyiswe tinkantolo tekubukana nemacala etemacansi kulelive. Ngengci 2013 MATTSO wangenisa sincomo sekulungisa tinkantolo tesigodzi letinge-57 kutsi tibe tinkantolo temacala etemacansi sikhatsi lesiminyaka lemitsatfu. “Kusukela ngeNgci 2013 lelitiko selisungule tinkantolo temacala etemacansi letinge-43, letisebenta ngekuya kwetinhlelo tetinkantolo letinconywe yi-MATTSO. Siyatikhandla kute setfule tinsita letibukene nebahlukunyetwa,” kwasho Indvuna Masutha. Tinkantolo temacala etemacansi tiniketa tinsita letikhetsekile letesekela bahlukunyetwa kute kutsi kugwenywe kuhlubeteka kwelizinga lesibili nekukhahlabeteka kwe-

ngcondvo kubahlukunyetwa bebugebengu betemacansi, ngekutsi umhlukunyetwa aphaatfwa ngesizotsa nekutsi kucinisekiswe bungasense. Loluhlobo lisha libuye futsi lihlose, kwenta kancono silinganiso sekugwetjwa kwemacala etemacansi nekunciphisa sikhatsi sekuwasebenta kusukela ngelusuku lwekubika ephoyiseni kute kube sesiphetfweni sekutekwa kwelicala. “Silinganiso mayelana nemacala etemacansi naso sikhulile futsi ngekota yekucala yanga-2015/16 Umkhandlu Wetebughushisi Wavelonkhe (i-NPA) ukhombisa kutsi- 71.1 wemaphesenti esilinganiso sekulahlwa licala,” kwasho Indvuna Masutha.

INKANTOLO YEMACALA ETEMACANSI YASEDURBAN
Akhuluma nakwetfulwa Inkantolo Yemacala Etemacansi eDurban, Umcondzisi Jikelele Nonkululeko Sindane wagcizelela kutsi lokwetfulwa kwalenkantolo kukhombisa kutinikela kwalelitiko ekubukaneni nebudlova lobentiwa kumacambi lasengotini emmangweni. Emalangemo emmango atsemba kutsi letinkantolo titawusita kulwa nelenhlulo yebudlova betemacansi emimangweni yawo. Nomthembu waseChersterville KwaZulu-Natal uvakalise kukhatsateka kwakhe mayelana netinsolo tekudlwengulwa kwemntfwana lonemaviki lamabili budzala nga- 2010. “Setsemba kutsi ngelusito lweNkantolo Yemacala Etemacansi yaseDurban letinsolo telicala lekudlwengula litawulandzelelwa,” kwasho yena. Umcondzisi we-NPA KwaZulu-Natal Advocate Moipone Noko wetsembise kulilandzelela lelicala. Tihlangano tetakhamuti netakhamuti tikhutsatwa kutsi tisebentisanenahulumende kute kutsi kulilwe nebudlova betemacansi emimangweni. "Kute kwakhiwe imimango letse kuphepha kakhudlwana nelive lelitse kuphepha kakhudlwana lelive lifanele kutsi letsembele ekwesekelweni titakhamuti. Kusekusebenteni ngekubambisana kuphela lapho khona singetsemba kutsi sitabulungisa bugebengu



Kwetfulwa kweTinkantolo Temacala Etemacansi kusho kutsi bahlukunyetwa bafinyelela tinsita letenele.

sibuye sicinisekise kutsi bantfu betfu baphephile,” kwasho Indvuna Masutha. Kululuhlobo linsha letinkantolo temacala etemacansi, tinkantolo tiniketa letinsita letilandzelako:

- Tinsita tekukulungiselela kuya enkantolo: Loluhlelo lukwetayeta tinchubo, tindlelanchubo, tinsita netinzuzo tase-nkantolo. Lukusita ekutsini ube ngufakazi lophumelelako enkantolo. Ngelusuku lwekutekwa kwelicala, utawemukelwa Sikhulu Lesikulungiselela kuya eNkantolo (i-CPO).
- Tinsita tekungenelela: Nangabe ungumhlukunyetwa longumntfwana noma ungumuntfu lokhubateke engcondvweni, umshushisi utawufaka sicelo enkantolo sekutsi unikete bufakazi bakho usegumbini lekufakaza langasense usitwa ngumchumanisi. Umchumanisi wendlulisa imibuto levela enkantolo lecondziswe kuwe ngendlela levisisekako.
- Emagumbi angasense ekulindza ebahlukunyetwa lababantfu labadzala nebantfwana: Ligumbi lemntfwana longufakazi linemadesiki netitulo leteniwe tahlangabetana ngco netidzingo temntfwana lokhahlabetekile. Liphindze futsi libe nendzawo yekudlala, kufundza nembhedze nasofa wekuphumula. Neligumbi lebantfu labadzala linemadesiki netitulo letenta kuba senkantolo kwebahlukunyetwa kube yintfo lebenta kutsi bakhululeke.
- Tinsita tekwelulekwa mayelana nekukhahlabeteka tangembi

namemuva kwekutekwa kwelicala: I-CPO itakweluleka mayelana nekukhahlabeteka ngembi kwekutsi kutekwa kwelicala kucale futsi nangabe sekuphetsiwe, utakusita kutsi ubukane nekukhahlabeteka lokubangelwe nguleshlakalo.

- Tinsita temagumbi angasense ekuniketa bufakazi/tinkantolo letivalekile. Nangabe ungufakazi longumuntfu lomdzala, umtsetfo uyakuvumela kutsi wetfule bufakazi usegumbini lekwetfula bufakazi langasense ngekusebentisa ikhamera nangabe utiva ukhululeke kakhulu nawenta njalo. Loku kusho kutsi awudzingi kuba kuba lapho kukhona khona umbekwacala nawetfula bufakazi bakho.
- Tinsita tetimali tafakazi: Litiko liniketa timali tafakazi tekukhokhela tindleko takhe tekuhamba esuka lapho esuka khona ete enkantolo aphindze abuye emuva kanye nekudla ngesikhatsi asenkantolo.

SIKHUNGO SEKUNAKEKELA SETHUTHUZELA SASE- ATLANTIS:
Njengencenye yetinsita tekwesekela umhlukunyetwa Indvuna Masutha yetfule Sikhungo Sekunakekela seThuthuzela (i-TCC) ase-Atlantis eSibhedlela iWesfleur. Tikhungo Tekunakekela teThuthuzela yindzawo lapho utfola konkhe khona sitfolakala ngekhatshi etindzaweni tetemphilu. Tisikhungo lapho utfola konkhe khona lapho khona onkhe ematiko labalulekile ekugcogcweni kwebufakazi mayelana nekuphendvula kwemhlukunyetwa nekulungiselelwa kushushisa lokuyimphumelelo kutfolakala atfolakala endzaweni yinye. Kuletindzawo letinge-55 te-TCC letiniketa tinsita letitinikele te-bahlukunyetwa bebudlova betemacansi, letinge-50 tato tisebenta ngalokuphelele, naticatsaniswa naletinge-38 emnyakeni wetimali lowendlulile.

* Sinenhlanhla Mkhwanazi usebentela Litiko Letebulungiswa Nekutfutfukiswa KweMtsetfosisekelo.